

Bosna i Hercegovina  
Federacija Bosne i Hercegovine  
**TUZLANSKI KANTON**

**KANTONALNI SUD U TUZLI**

Broj: 003-0-Su-23-000 592  
Tuzla, 17. juli 2023. godine

Na osnovu člana 31. stav 1. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj 38/05, 22/06, 63/10, 7/13 i 52/14), člana 8. Pravilnika o unutrašnjem sudskom poslovanju („Službeni glasnik Bosne i Hercegovine“, broj 66/12, 40/14, 54/17 i 60/17) i člana 126. j. Pravilnika o sistemu za automatsko upravljanje predmetima u sudovima (CMS) („Službeni glasnik Bosne i Hercegovine“, broj 4/16, 37/16, 84/16, 40/17, 34/18, 34/19 i 61/20) predsjednica Kantonalnog suda u Tuzli podnosi

**I Z V J E Š T A J**

**o provedenoj provjeri tačnosti i ažurnosti unosa podataka u CMS  
za period 01.01.2023. – 30.06.2023. godine**

U skladu sa odredbama člana 126. a. do 126. l. Pravilnika o sistemu za automatsko upravljanje predmetima u sudovima (CMS) u Kantonalnom sudu u Tuzli je provedena provjera tačnosti i ažurnosti unosa podataka u CMS-u u periodu od 01.01.2023. – 30.06.2023. godine.

Provjera je izvršena pojedinačno za svakog sudiju, sem sudija koji su u ovaj sud imenovane prije 3 mjeseca i to u 5 predmeta sudije po referatima i statusu predmeta automatskim odabirom predmeta kroz CMS izvještaj „Lista predmeta za provjeru kvaliteta podataka“ po unaprijed postavljenim parametrima, a sve u skladu sa Smjernicama za provjeru predmeta krivičnog i prekršajnog referata i Smjernicama za provjeru predmeta parničnog, privrednog, vanparničnog, izvršnog, upravnog i zemljišno – knjižnog referata.

Provjera je provedena upoređivanjem fizičkog stanja sudskog spisa sa elektronskim stanjem sudskog spisa, odnosno stanjem podataka

evidentiranih u CMS-u, u smislu provjere njihove tačnosti, potpunosti i blagovremenosti evidentiranih podataka.

Rezultati provjere koji su utvrđeni, kao i uočene nepravilnosti konstatovane su u Obrascu broj 3. – Izvještaj o provedenoj provjeri tačnosti i ažurnosti unosa podataka u CMS.

Uočene nepravilnosti u svim pregledanim prvostepenim i drugostepenim krivičnim predmetima odnosile su se na slijedeće nedostatke:

- u nekim predmetima nedostaje popunjeno polje „Općina/Opština mjesta izvršenja krivičnog djela“;
- u nekim predmetima nedostaje podatak „Datum izvršenja krivičnog djela“;
- u jednom predmetu „Mpom“ koji se odnosi na međunarodnu pravnu pomoć – preuzimanje izvršenja krivične sankcije nije moguće evidentirati mjesto i datum izvršenja krivičnog djela, jer je krivično djelo učinjeno u Rumuniji „Općina/Opština mjesta izvršenja krivičnog djela“;
- u jednom krivičnom predmetu gdje je optuženi rođen u Njemačkoj nije moguće unijeti jedinstveni matični broj;

U drugostepenim prekršajnim predmetima nije bilo utvrđenih nedostataka i nepravilnosti.

U drugostepenim parničnim predmetima i predmetima upravnog spora nije bilo utvrđenih nedostataka i nepravilnosti ni u jednom predmetu.

Nedostaci koji su se ticali nedostatka u predmetu podatka o mjestu izvršenja i općini izvršenja krivičnog djela uneseni su naknadno i ti nedostaci su na taj način otklonjeni.

Također u predmetima u kojima je nedostajao jedinstveni matični broj optuženog lica su otklonjeni unošenjem naknadno jedinstvenog matičnog broja ako je optuženi rođen na teritoriji Bosne i Hercegovine.

U krivičnom predmetu u kojem je optuženi rođen u Njemačkoj nije bilo moguće naknadno evidentirati jedinstveni matični broj, kao što nije bilo moguće u jednom predmetu koji se odnosio na preuzimanje izvršenja krivične sankcije (Mpom) evidentirati mjesto i vrijeme izvršenja krivičnog djela, jer je učinjeno državi Rumuniji.

**Također nisu utvrđene nepravilnosti ni u provjeri predmeta kojima je zadužena predsjednica suda.**

Predsjednica suda će i dalje, shodno odredbi člana 126. k) Pravilnika o sistemu za automatsko upravljanje predmetima u sudovima, preduzimati mjere za prevenciju nepravilnosti, kao i u prethodnom periodu, cijeneći da će se istim podići nivo kvaliteta podataka koje sudovi imaju obavezu evidentirati u CMS, shodno Pravilniku o sistemu za automatsko upravljanje predmetima u sudovima.

**PREDSJEDNICA SUDA**

Indira Hadžimehmedović